



10-Joor d`Spezi Giftschnägge

Dr René isch vo de D`Spezi dr“Mister President“
wird intärn au dr Obmaa gnennt
Är telefoniert,organisiert, schafft und duet nüt vergässe
durch sini Beziehige chöne mir sogar gratis go z`Mittag ässe

Dr Horscht isch e richtig originelle Waggis
au underem Johr isch är eine so sag ichs
es isch nämlich nid gloge jetzt miend Ihr lose
är wohnt im Elsass bi de Franzose

Dr Hansj liebt uf em Wage s`Wurfmaterial use z`schiesse
das macht är gärn, duets richtig gniesse
Zitrone, Däfel, Kaugummi wirft är wie us em Gwehr
und macht den unuffällig d`Krippe vo de Kollege leer

Dr Benij trinkt gärn emol e Bier
und schafft am Rambazamba-Fescht wie ne Tier
Meischtens isch är e Ruhige s`isch nid zum fasse
doch an dr Fasnacht gilt; „ wehe wenn er losgelasse“

Bim Adi im schöne Rodersdorf
baue mir dr Wage ufem Strängehof
Dr Adi isch erscht vor kurzem in d`Clique cho
und will noch unserem 10-Jährige scho wieder go

Achtung jetzt chunt dr Urs jetzt muesch uf d`Sitte
Är singt au gärn emol dr Schacher Sepp in dr Schigge
Si Schlachtruuf am Umzug isch “Ai Ai Ai”
und am Mäntig morge goht är als letschte häi

Dr Böbby het sich unscheniert
s`ganz Läbe uf dr Körper tätowiert
Jetzt frog ich mi mit emene Achselzucke
chunt noch em 10-Jährige no d`Spezi uf dr Rugge?

Mausi he und Mausi do
Mausi wäg und Mausi wo?
Ich sag Euch eine vo uns isch glücklich und froh
das dr Suchi wieder isch in d`Clique cho

Dr Simon fahrt unsere Wage an dr Fasnacht
das komplett niechtern, was nid e mänge macht
isch dr Wage aber den abgestellt irgendwo
brucht är nur 20 Minute zum uf unser Alkohol-Level z`cho

Reto, sag wottsch nid au emol öppis sage
z.B. wie ischs dr gange bim baue vom Wage
sich mitteile fällt em Reto amigs scho no schwer
derfür suft är halt e Gin-Tonic mehr

d`Spezi Giftschnägge 2010

www.dspezi.ch